



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ecclesiæ Ac Doctrinæ Lutheranæ Veritas, Ab
impugnationibus Novissimorum Papistarum, Præcipuè
Jodoci Keddii, Nec non Viti Erbermanni, Vindicata**

Nifanius, Christian

Bilfeldiæ, 1673

§. 35.

urn:nbn:de:hbz:466:1-35616

esse ei tempus, quo iuste viveret & honesta faceret opera, neq; enim de hoc contenderim ego, sed illud unum asseveraverim, quod sola fides per se saluum fecerit, nam si supervixisset, fideiq; & operum fuisset negligens, à salute excidisset. Conf. Homilia II. ad Rom. Tom. IV. col. 25. edit. Frob. Homilia VIII. in eandem, ubi de Abrahami justificatione tractat col. 78.

§. 35.

Seculo quinto præcipuè fuit magnum Ecclesiæ lumen Aurelius Augustinus Episcopus Hipponensis, qui in octoginta tribus questionibus, questione LXXVI. Tom. IV. edit. Froben. col. 598. edit. Colon. 1616. fol. 228. b. hæc profert: In hoc se gentibus in Christum credentibus Judæi præferre cupiebant, quod dicebant se meritis bonorum operum, quæ in lege sunt ad Evangelicam gratiam pervenisse: ideoq; scandalizabantur multi, qui ex eis crediderant, quod incircumcisis gentibus Christi gratia traderetur. Unde Apostolus Paulus dicit, posse hominem sine operibus præcedentibus justificari per fidem: nam justificatus per fidem, non potest nisi iuste deinceps operari, quamvis antea nihil operatus fu-

stè, ad fidei justificationem pervenerit, non merito bonorum operum, sed gratia Dei, quæ in illo jam vacua esse non potest, cum jam per dilectionem bene operatur. Quod si cum crediderit, mox de hac vita decesserit, justificatio fidei manet cum illo, nec præcedentibus bonis operibus, quia non merito ad illam, sed gratia pervenit : nec consequentibus, quia in hac vita esse non finitur. Unde manifestum est quod Paulus Apostolus dicit ; *Arbitramur enim hominem justificari per fidem sine operibus.* Non tamen ita intelligendum est, ut accepta Fide, si vixerit, dicamus eum justum, etiam si male vixerit. *Contra duas epistolas Pelagianorum lib. 1. cap. 21.* Dicimus inquit Pelagianus, sanctos Veteris Testamenti perfecta hinc justitia, ad æternam transisse vitam, id est, studio virtutis, ab omnibus recessisse peccatis, quia & illi quos legimus aliquid peccasse, postea tamen eos emendasse cognovimus. *Respondet Augustinus :* Quanta libet fuisse virtutis antiquos prædices justos, non eos salvos fecit, nisi fides mediatoris, qui in remissionem peccatorum sanguinem fudit : ipsorum enim vox

est : *Credidi propter quod loquutus sum.* Unde ait & Apostolus Paulus : Habentes autem eundem Spiritum fidei, secundum quod scriptum est, credidi propter quod loquutus sum ; & nos credimus propter quod & loquimur. Quid est eundem Spiritum, nisi quem iusti quoque illi habuerunt, qui ista dixerunt. Dicit enim Apostolus Petrus ; Quid vultis iugum imponere gentibus, quod neque nos portare potuimus neque Patres nostri sed per gratiam Domini nostri Jesu Christi credimus nos salvos fieri, quemadmodum & illi. *Tom. X. Serm. 7. de verbis Domini in fine in Evang. Secund. Matth. fol. 11. edit. Colon.* Si de tuo opere præsumas, ergo merces tibi redditur non gratia condonatur. Si autem gratia est, gratis datur. Interrogo nunc : Credis, ô peccator, Christo ? Dicis, credo. Quid credis ? Gratis universa peccata per ipsum tibi posse remitti ? Habes, quod credidisti. O gratia gratis data. *Sermo XLIX. de tempore (qui in append. de diversis est Sermo XXXVII. fol. 604. edit. Colon.)* ita habet : *Credidit Abraham Deo & reputatum est illi ad iustitiam. Ecce sine opere iustificatur ex Fide, & quicquid illi legali posset observatione conferri totum credulitas sola donavit.*